

Napoli. El soracomito fu ferito in una gamba, pugnando con turchi; e si non era l'animosità dil soracomito, la galia riceveva sinistro, perchè li turchi erano valenti homeni. Fu morti alcuni di la galia, tra li qual el scrivani, e molti feriti.

*Da Roma, di 23.* Come el cardinal Capaze, cyprioto, stava malissimo; e il papa à mandà danari al ducha di Urbin per dar a le zente. *Item*, à licentia et expedi li frati di Jerusalem, venuti per le cosse di Coloqut, qualli vanno in Spagna.

*Da Napoli, dil consolo.* Come a di 12 parti de li el ducha Valentino, con uno ragazzo sollo, su una nave o ver barza, et in sua compagnia el signor Prospero Collona, e lo conduce a li reali in Spagna. *Item*, il principe di Rosano è acordà col vice re; resta *solum* a Spagna, aquistar tutto il regno, Coversano et la terra di Orio sotto il principato di Taranto.

21 *Da Ravenna.* Come a Cesena è pur zente dil papa, non sanno a che effecto; tuta via li a Ravenna è il conte di Pitiano, capetanio zeneral nostro, con zente e altre condutieri, et a Rimano Zuan Paulo Manfron con la so compagnia.

*Di Ferrara, dil vicedomino, di 29.* Come il ducha à mal assai, e si dubita di lui *etc.*

Licentiatò pregadi, restò consejo di X, per tuor licentia, che sier Alvixe Arimondo, cao, et sier Piero Capello e sier Zorzi Emo, dil consejo di X, potesseno aver licentia per do zorni, di andar doman a compagnar sier Alvixe da Molin, va podestà a Padoa; et non la poteno haver. Questo tuor di licentia fu per una leze trovata, perchè sier Zorzi Emo, era cao di X, et questo mexe andò a Padoa a la zostra con sier Zacharia Contarini, el cavalier, savio a terra ferma, et fo senza licentia, *unde* nel ritorno el principe fè gran parole in colegio *etc.*

22 *Copia de una letera di Zuam Francesco de la Faitada, a domino Piero Pasqualigo, doctor, orator veneto in Spagna, data a Lisbona a di 16 luio 1504.*

Magnifico orator mio observandissimo.

Heri a tardi arivò una nave de India, che è quella parti sola de qui horra fa 26 mesi, e vano per 27 mesi, la qual nave viene del tuto caricha de quanto pò portare, tuto peperì, *excepto* 25 in 30 cantara de gingiber, onde non me curarò de extendeme zirea al viazo loro. Partite da Chochin a la fine de dezembrio *proxime* passato, e li lassò Francesco d'Alburcherche, con 3 nave, cargando; ma voglio dar aviso a la magnificentia vostra de quello successe a la flota che è là. A di 20 avosto arivò

Francesco d'Alburcherche in Cananor, che in 4 mexi fu de qui là, e de li vene a Chochin, dove arivò al principio de settembre; et da poi a XX zorni zonse l'altro capetanio, chiamato Alfonso d'Alburcherche, el qual se parti de qui avanti de Francesco ben XX zorni, et arivò là più tardi. E zonti tuti duo trovarno, che subito, partito l'anno avanti l'armirante da Chochin, el re de Chalichut fu al ditò loco e lo prese e brusò la mazor parte d'esso, per il che el re del ditto locho, con el fator del re e altri portogesi, fuziteno ad una montagna, dove se fortificarenò al meglio poterono, et steteno sempre là infino a l'arivar de le dite nave. Et inteso quèsto, li capetanij de queste nave portogese mandarono a chiamar el re de Cochin et el factor de questo serenissimo re, li quali venero a Cochin, et se veteno insieme, et feceno *de modo* che 'l ritornò ad esser re como prima. Fato questo, cominzorno a far guerra contra Calichut, corendo tutti quelli mari, destruendo ogni cossa, in forma che 'l non appareva zente per quelle parte, per mar, che non fusse presa. Et visto questo, el re de Colichut li mandò a dir, che non volea guera con l'oro, ma pace, offerendosi a far quanto l'oro voleano. Et fo conclusa la pace, per l'oro e per el re de Cochin, in questa forma: zoè, che 'l ditto re de Calichut li desse 1500 bachari de pevere, che sono 4500 cantara de qui, a l'incontro fo pigliato, horra 3 anni, al factor de questo re, che fu morto là, li quali 1500 bachari havea da dar subito, e a la partita de questa nave ne haveano riceputo parte; et che de qui avanti potesseno tractar in ogni loco dove volesseno. E facto questo, ancor li capitani non se volseno fidar, per questo principio, del re de Calichut, e feceno far una grande forteza, o ver castello, a nostro modo in su la punta del porto de Cochin, in el qual castello se redurà el factor con tutti li portogesi, e lo fornirono di bombarde et altre arme necessarie, *de modo* che hora restarano cossi securi come se fusseno in queste parte. E facto questo, uno de li capitani comenziò a cargar in Cochin, e uno 22 solo merchadante se li obligò de dar per tuto di 15 de zenaro tuta la caricha; l'altro fu a Celum, più avanti 25 lige, e li per el simel fece partito, di modo che per tuto zenaro senza fallo doveano esser del tutto despazati, et ge avanzariano ancora danari e mercantie assai. Et cossi de' esser, perchè quelle nave levorono summa de danari e merchantie di avanzato di quello che li era necessario, e poi anche hanno li 4500 cantara, che li dà per la pace el re de Calichut. Portogesi andavano da Cochin, per terra, a Calichut, come fariano per Portugal, senza che per